

Vestium æmulatione cum Floribus historiam recitat; ibi:
 (y.) In quibus unguento viciſſe Naturam gaudens luxuria,
 Vestibus quoque provocavit eos flores, qui Colore commendantur,
 hos animadverto, Tres esse Principales: Unum in Cocco, qui in
 Rosis micat. Gratius nihil traditur adſpectu, & in Purpuras Tyri-
 as, Dibafasq; ac Laconicas: Alium in Amethysto, qui in Viola:
 & ipſe in Purpureum, quem Iānthinum appellavimus; Genera
 enim tractamus, in ſpecies multas ſeſe ſpargentia: Tertius eſt,
 qui propriè Conchylīi intelligitur multis modis: Unus in Helio-
 tropio, & in aliquo ex his saturatior; alijs in Malvā, ad Purpu-
 ram inclinans; alijs in Viola Serotinā, Conchyliorum vegetiſ-
 fima.

(y.) lib. 21. cap. 8.

§. 12. Ex quâ Descriptione Purpureum Colorem eſſe
 dicimus, qui magis ad rubedinem tendit, ſaturo ſatis Colo-
 re, ut Rosæ purpureæ; quem alibi (z.) nigricantis Rosæ co-
 lore ſublucentem dixit: alium dilutiorem, ut Violæ marinæ
 præcocis, quæ ῥον dicitur à Græcis. Altera verò Species Pur-
 puræ illa videtur, quæ ex rubro magis ad cœruleum tendit
 dilutum, & dicitur propriè Conchylīum, ut Heliotropii co-
 lor vel purpureæ Malvæ; aut magis obscurum, ut Violæ,
 Serotinæ, quod eſt, Violæ purpureæ montanæ; de quo
 Virgilius: (a.)

— *Violæ ſublucet Purpura nigræ;*
 qui alibi à Plinio Austerus Color in Glauco, & iraſcenti ſimilis
 Mari dicitur.

(z.) lib. 9. cap. 36.

(a.) lib. 4. Georg.

§. 13. Colorem hunc Conchylīi ſine Buccino fieri, tra-
 dit idem Plinius, eā ratione, quia Buccinum ad Rubedinem
 Rosæ, aut Cocco ſimilem, ferè tendit: Purpura verò magis
Viola-